



Expediente: C.6.Q/961/12

D. Fins Eirexas Santamaría
Travesa dos Basquiños, 9-baixo
15704 Santiago de Compostela (A Coruña)

Santiago de Compostela, 4 de xullo de 2012

Estimado Sr.:

Nesta institución iniciouse expediente de queixa como consecuencia do seu escrito referente á falta de resposta a unha solicitude de información ambiental dirixida á Consellería de Medio Ambiente, Territorio e Infraestruturas para coñecer as batidas autorizadas para cazar xabaríns e lobos, particularmente as dirixidas a cazar lobos híbridos no Barbanza.

No seu escrito, esencialmente, indícanos que o 10 de abril de 2012 ADEGA dirixiu unha petición de información á Consellaría de Medio Ambiente, Territorio e Infraestruturas, ao abeiro da Lei 27/2006, solicitando coñecer os datos (data, lugar, resultado ...) das batidas autorizadas de xabarís e lobos, particularmente as dirixidas a neutralizar os lobos híbridos na zona do Barbanza. Pasado os prazo legalmente establecido na devandita Lei, a administración ainda non remitiu a información solicitada, malia que, en calidade de secretario executivo de ADEGA, ostenta a representación dos colectivos ecoloxistas no Consello Galego de Medio Ambiente, no Observatorio Galego da Biodiversidade e Consello da Rede de Parques Naturais de Galicia.

Ante iso solicitamos, como vostede coñece, información á Consellería de Medio Ambiente, Territorio e Infraestruturas, que xa nola remitiu. Na mesma sinálase o seguinte:

"En contestación ao seu oficio de data 30 de maio de 2012, en relación coa queixa de referencia, formulada por D. Fins Eirexas Santamaría (ADEGA), que presentou unha solicitude de información o día 10/04/12 na consellería de Medio Ambiente, sobre as batidas autorizadas de xabarís e lobos, achégolle o informe emitido pola Dirección Xeral de Conservación da Natureza pertencente a esta consellería."

"En contestación ás solicitudes que fai a Asociación para a Defensa Ecolólica de Galicia a través dos representantes ecoloxistas no Observatorio Galego da Biodiversidade e do Comité Galego de Caza, os señores Fins Eirexas e Xosé Salvadores, respectivamente, nas que piden que se lles faciliten as datas, lugar, previsión e resultados das batidas de lobo e xabarín realizadas en Galicia dende principios de ano así como que se lles informe con carácter previo á concesión dos permisos das solicitudes que se reciban nos servizos centrais e

provinciais de Caza e Pesca, reclamando especial atención ás batidas autorizadas para neutralizar os exemplares de lobo híbrido no Barbanza por unha parte, e coñecer o resultado e o desenvolvemento das pescudas que os servizos de Conservación da Natureza e a gardería están a efectuar no caso das denuncias por utilización de lazos cinexéticos no Barbanza,

INFORMO:

Polo que respecta ao xabarín resulta de todo imposible facilitarles os datos que piden dado que, na tempada 2010/2011 solicitáronse 35.080 batidas e realizáronse 14.720, o que supón que para o período do que se pide información, as batidas solicitadas e realizadas serán mais de 3.000, e polo que se refire ás datas e lugares de realización, temos que supoñer que foron todos os días hábiles, xoves, sábados, domingos e festivos de calquera Tecor agás os que se atopan no Baixo Miño onde parece que a poboación é menor ou inexistente.

Informarles sobre previsións de batidas e resultados que se esperan estimamos que non haberá moita diferencia da tempada pasada dado que non hai moitas posibilidades de incrementar o número de batidas ao xabarín e os resultados esperamos que sexan semellantes é decir, do orden dunha peza por batida de media.

Polo que respecta ás batidas autorizadas para a captura de lobos no que vai de ano, foron tres na provincia da Coruña, as tres foron no Barbanza e non se capturou ningún exemplar; na provincia de Lugo autorizáronse dúas batidas, unha en Pol e a outra na Mariña, capturándose un exemplar nesta última; nas provincias de Ourense e Pontevedra non se autorizou ningunha batida no que vai de ano.

Respecto á petición de que se lles informe previamente á concesión de autorización das solicitudes que se reciban nos servizos centrais e nos provinciais para levar a cabo batidas, esta subdirección entende que non se pode acceder xa que logo, consonte co que establece o artigo 37º.1 da Lei 30/1992, do 26 de novembro, de réxime xurídico das administracións públicas e do procedemento administrativo común, "*os cidadáns ten dereito a acceder aos rexistros e aos documentos que formen parte dun expediente, obren nos arquivos administrativos ...sempre que correspondan a procedementos terminados na data da solicitude*" o que non é o caso.

Polo que respecta ao punto 2 no que solicitan recibir información sobre as pescudas dos feitos que tiveron lugar no Barbanza, non lles podemos informar dado que as mesmas as está a facer a policía xudicial."



Valedor
do Pobo
Galicia

Do aportado por vostede e a información da Consellería recibida recentemente dedúcese que esta confirma o exposto por vostede na queixa, isto é, que non se responderá á solicitude de información ambiental no prazo previsto na Lei 27/2006, de 18 de julio, pola que se regulan os dereitos de acceso á información, de participación pública e de acceso á xustiza en materia de medio ambiente, que incorpora as Directivas 2003/4/CE y 2003/35/CE. Tamén se indica o que sería obxecto dunha resposta a súa reclamación, aínda que ser especificar se envióuselle a vostede directamente, como debera facerse; se desexara realizar algunha alegación ou recurso en relación co contido da información e para iso fora precisa a resposta directa, entón podería acudir de novo á Consellería para reclamala, e se non lle responderan de inmediato, entón podería indicárnolo, de tal forma que pola nosa banda reabramos a queixa para recadar da Consellería a resposta urgente.

En calquera caso, por todas estas causas realizaremos un comentario crítico no próximo informe ao Parlamento de Galicia.

Na resposta se indica o número de batidas e solicitudes para a caza de xabaríns e lobos e o número de exemplares cazados destes últimos. Non obstante, non se especifica se neles se inclúen os lobos híbridos, aspecto que reclama expresamente; se vostede coñecera que non se incluíron, entón podería indicalo, de tal forma que pola nosa banda reabramos a queixa para recadar da Consellería esa información con carácter urgente, do mesmo xeito indicado antes. No que se refire á información previa á concesión de autorizacións, a Consellería entende que non debe facilitala, ao abeiro do art. 37.1 da Lei 30/1992.

Con esta información procedemos ao arquivo do expediente abierto como consecuencia do seu escrito de queixa, sen prexuízo de reabriloxo a súa instancia pola aportación de novos datos ou criterios, tal e como tivemos ocasión de sinalar anteriormente.

Agradézolle a confianza que nos ten demostrado e saúdoo atentamente,

José Julio Fernández Rodríguez
Valedor do Pobo (en funcións)

